

**Kalaallit Nunatsinni oqaatsit pisortatigoortut innuttaasunit kalaallisut
oqaaseqanngitsunit ilinniarneqarsinnaanngoqqullugit ilinniutitigut
siuarsaasoqarnissaannik Naalakkersuisut suliniuteqaqqullugit Inatsisartut
aalajangiiffigisassaattut siunnersuut**

pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

ISUMALIUTISSIISSUTAA

Aalajangiiffigisassatut siunnersuutip aappassaaneernejarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq kingullermik suliarinninnermini ukuninnga inuttaqarpoq:

Harald Bianco, Inuit Ataqtigiit
Debora Kleist, Inuit Ataqtigiit
Andreas Uldum, Demokraatit
Malik Berthelsen, Siumut
Knud Kristiansen, Atassut

Siunnersuut UPA 10-mi ulloq 22. april siullermeernejareermat Kultureqarnermut,
Ilinniartitaanermut, Ilisimatusarnermut Ilageeqarnermullu Ataatsimiititaliamit
misissorneqarpoq.

Siunnersuutip imarisai

Kalaallit oqaasiinik atuisinnaanngitsut kalaallisut ilinniarnissamut sapinngisamik
pitsaanerpaamik aqutissiuunneqarnissaat siunnersuutini aqutigalugu siunnersuuteqartup
kissaatigaa. Tamanna pissaaq kalaallisut oqalussinnaanngitsut kalaallisut ilinniarnissamut
sapinngisamik pitsaanerpaamik sakkussaqaarnissaasa qulakkeernejarneranna Naalakkersuisut
sulissutiginninnerisigut.

Siunnersuutip aningaasatigut kingunerisassai

Siunnersuut aningaasaqarnikkut qanoq piviusunngortinneqassanersoq siunnersuuteqartup
taasaqarfigisimannigilaa. Naalakkersuisut akissuteqaamminni allapput:

”2011-mut Inatsisartut Aningaasanut Inatsisissaattut Siunnersuutip suliarineqarneranut atatillugu atortut ineriartortinneqarnissaasa aammalu oqaatsinik ilinniartitsinermi ilinniartitsisut pisinnaasaasa ineriartortinneqarnissaasa salliutinneqarnissaannut periarfissat Naalakkersuisut misissorniarpaat”.

Ataatsimiititaliap siunnersuummik suliarinninnera

Siunnersuut siullermeerneqarmat partiinit tamanit pitsaasutut isigineqartoq aammalu ataatsimiititaliamut suliarineqartussatut innersuunneqartoq kiisalu akuerineqartussatut Naalakkersuisunit inassutigineqartoq ataatsimiititaliamit maluginiarneqarpoq.

Oqaatsit pillugit oqallinnermi siumut isigisumik eqqarsarnissaq partiinit tamanit isumaqatigineqartoq ataatsimiititaliamit maluginiarneqarpoq. Taamatuttaaq oqaatsit inuiaqatigiinnik avissaartuutitsinatik ataatsimoortitsinissaat partiinit tamanit isumaqatigineqartoq ataatsimiititaliamit maluginiarneqarpoq.

Oqariartuutit taakku ataatsimiititaliamit isumaqatigineqarput. Qooqqumik akunneqarluni imminnut nilliaffigineqattaarnermut taarsiullugu oqaatsit pillugit oqallinnerup akuersaartumik ammasumillu ingerlanneqarnissaa oqaatsinik oqallinnerup pitsaasumik ineriartorfionissaanut assut pingaaruteqartoq ataatsimiititaliaq isumaqarpoq.

Inassuteqaatit

Oqaaseqaatit siuliani allassimasut aammalu siunnersuutip siullermeerneqarnerani oqaaseqaatit tunngavigalugit **ataatsimiititaliap isumaqatigiittup** siunnersuut akuersissutigineqassasoq inassutigaa.

Taama oqaaseqarluni ataatsimiititaliap siunnersuut aappassaaniigassanngortippaa.

Harald Bianco

Debora Kleist

Andreas Uldum

Malik Berthelsen

Knud Kristiansen